

## **Misr Arab Respublikasining hamkor oliy ta'lif muassasalarida stajirovka o'tash bo'yicha tanlov shartlari**

1. Toshkent davlat sharqshunoslik universiteti va Misr Arab Respublikasining Helvon va Qohira universitetlari bilan imzolangan anglashuv memorandumlari asosida talabalar almashinuvi dasturi doirasida 2021/2022 o'quv yilning 2-semestrda Misr Arab Respublikasining mazkur oliy ta'lif muassasalarida stajirovka o'tashga nomzodlar tavsiya qilish uchun tanlov tashkil etilsin;
2. Misr Arab Respublikasining hamkor universitetlaridan 2021-2022 o'quv yilning 2-semestrda 1 oylik stajirovka o'tash uchun grantlar ajratilishi rejallashtirilgan bo'lib, o'qish va yotoqxona hamkor universitetlar tomonidan qoplanishi, aviachipta va boshqa xarajatlar talabalar hisobidan qoplanishi inobatga olinsin.
  - Arab tili bo'yicha tanlov joriy yilning **22-fevral kuni soat 10:00 da**;
  - Ma'naviyat va ma'rifat bo'yicha tanlov joriy yilning **24-fevral kuni soat 10:00 da** universitetning **Shahrisabz ko'chasi, 25-uy binoning 3-4 qavat auditoriyalarida** o'tkazilsin.
3. Tanlovda ishtirok etishga **kunduzgi va kechki ta'lif** shakllarida arab tili guruhida tahsil oladigan bakalavriat ta'lif yo'naliishlari va magistratura mutaxassisliklari bo'yicha talabalar tavsiya etilsin.
4. Tanlovda ishtirok etish uchun quyidagi talabalar **tavsiya etilmasisi**:
  - 2021/2022 o'quv yili davomida arab tili fanini a'lo va yaxshi baholarga o'zlashtirmayotganlar;
  - darslarga qatnashish davomati past, o'quv yilida hayfsan olgan, universitet ichki tartib-qoidalarini buzganligi rasmiylashtirilgan talabalar.

*Tanlovda ishtirok etish istagini bildirgan arabshunos talabalar fakultet dekanlariga murojaat etishlari mumkin.*

**2021/2022 o‘quv yilining 2-semestrida Misr Arab Respublikasining oliv ta’lim  
muassasasida 1 oy davomida stajirovka o‘tash uchun o‘tkaziladigan  
tanlovnning baholash**

**MEZONI**

Imtihon uch bosqichda o‘tkazilishi belgilangan:

**I bosqich**

**Arab tilidan test.** Jami 50 ta test. Har bir to‘g‘ri javob 1 balldan baholanadi, jami 50 ball, belgilangan vaqt 50 daqiqa.

**Belgilangan mavzuda insho.** Eng yuqori ball 10 ball, ajratilgan vaqt 40 daqiqa.

Insho quyidagi mezonlar asosida baholanadi:

1. Mavzu mazmuni to‘liq yoritilgan, belgilar soni 250 dan kam bo‘lmagan, 4 tagacha grammatik, stilistik va orfografik xatolarga yo‘l qo‘yilgan holda 8-10 ball;
2. Mavzu mazmuni yaxshi yoritilgan, belgilar soni 220 dan kam bo‘lmagan, 6 tagacha grammatik, stilistik va orfografik xatolarga yo‘l qo‘yilgan holda 4-7 ball;
3. Mavzu mazmuni o‘rtacha yoritilgan, belgilar soni 200 dan kam bo‘lmagan, 8 tagacha grammatik, stilistik va orfografik xatolarga yo‘l qo‘yilgan holda 2-6 ball;
4. Mavzu mazmuni qisman yoritilgan, belgilar soni 180 dan kam bo‘lmagan, 10 tagacha grammatik, stilistik va orfografik xatolarga yo‘l qo‘yilgan holda 1-5 ball;
5. Mavzu qoniqarsiz yoritilgan, belgilar soni 130 dan kam bo‘lmagan, 15 dan ortiq grammatik, stilistik va orfografik xatolarga yo‘l qo‘yilgan holda 1-4 ball;
6. Mavzu umuman yoritilmagan, belgilar soni 100 dan kam bo‘lgan, 20 dan ortiq grammatik, stilistik va orfografik xatolarga yo‘l qo‘yilgan holda 0 ball.

## **II bosqich**

### **Arab tilidan og‘zaki imtihon. Jami: 20 ball**

Og‘zaki imtihon quyidagi mezonlar asosida baholanadi:

1. Mavzu haqida ravon so‘zlab berish, berilgan savollarni aniq tushunish va tutilmasdan javob berish 16-20 ball;
2. Berilgan mavzuni qisqa pauzalar bilan so‘zlab berish, berilgan savollarni aniq tushunish va biroz tutilishlar bilan javob berish 10-15 ball;
3. Berilgan mavzuni uzun pauzalar bilan so‘zlab berish, berilgan savollarni qisman tushunish va tutilishlar bilan javob berish 5-9 ball;
4. Berilgan mavzuni qisqacha so‘zlab berish, berilgan savollarni takrorlardan keyin qisman tushunish va tutilishlar bilan javob berish 1-4 ball;
5. Berilgan mavzuni so‘zlab berolmaslik, berilgan savollarga umuman tushunmaslik va javob berolmaslik 0 ball.

**Eslatma: Test, insho va og‘zaki imtihon natijalarida 56% (44,8 ball) dan ortiq ball to‘plagan ishtirokchilar 3-bosqichda ishtirok etish huquqiga ega bo‘ladi.**

## **III bosqich**

### **Ma’naviyat va ma’rifat bo‘yicha og‘zaki imtihon. Jami: 20 ball.**

Ma’naviyat va ma’rifat bo‘yicha og‘zaki imtihonda talabalar bilan mamlakatimiz tarixi, madaniyati, adabiyoti, mamlakatimizda olib borilayotgan yoshlar siyosati, O‘zbekistonni rivojlantirish bo‘yicha Harakatlar strategiyasi va Tarqqiyot strategiyasi mazmuni va mohiyati, O‘zbekiston va Misr hamkorlik aloqalari, Toshkent davlat sharqshunoslik universiteti, shu jumladan, arabshunoslik sohasi rivojlanishi to‘g‘risida suhbat o‘tkaziladi.

#### **Og‘zaki imtihon quyidagi mezonlar asosida baholanadi:**

1. Berilgan savol yuzasidan talaba to‘liq ma’lumotga ega bo‘lib, mavzu bilan bog‘liq dalillarni keltira olsa hamda o‘z fuqarolik pozitsiyasidan turib javob bera olsa - 16-20 ball.
2. Berilgan savol yuzasidan qisman ma’lumotga ega bo‘lib, mavzu bilan bog‘liq dalillarni bir qadar chalkashtirsa - 10-15 ball.
3. Berilgan savol yuzasidan ma’lumotlarni yetkazishda qiynalsa, mavzu bilan bog‘liq dalillarni yetkazishda yanglishsa - 1-9 ball.
4. Berilgan savollar bo‘yicha ma’lumotga ega bo‘lmasa - 0 ball.